

علوم اقتصادیه و اجتماعیه

مجموعه گار

هر آيت برنجی کونی نصر اولنور

مؤسسلری :

احمد شعیب ، رضا نوقیو ، محمد هاربه

مندرجات :

عضویتلر و جمعیتلر : ساطع . — مجادله حیاتیه و تکامل
 جمیات : آصف فطی . — ویانه مؤعری : احمد شعیب . —
 موت بودجه : احمد مختار . — تریه عقلیه : دوکتور ادم . —
 فرانسه اخلال کبیری : احمد شعیب . — دیون عمومیه عثمانیه :
 محمد جاوید . — اشربات و وقایع اقتصادیه : محمد جاوید . —
 ۱۸۶۳ و ۱۸۶۴ سنلری استقراضنک مقاوله نامه سی .

مدیر و صاحب امتیازی :

محمد هاربه

امور اداره و تحریریه : نور عثمانیه جوارنده ملنن اداره خانه سی

نسخه سی : ۱۰ غروش

استانبول

باب طالی جاده سنده هلال مطبعه سی ، نومبرو ۶۶

مجادله حیات و تکامل جمیات

مجادله حیاتیه مسئله سی اون دو قوزنجی عصرک نصف اخیرینه
دوغرو اولاداروین کی طبعیون واونی متعاقب علوم اجتماعیه علمای
طرفدن موضوع بحث ایدلمشدر .

مجادله حیاتیه بلااستثنا اک ابتدائی حیوانات و نباتاتدن وجنس
بشرك اك ابتدائی شکلندن اك تکمل اتمش اولانلرینه قدر بتون
موجودات حیاتیه حقنده عمومی اولوب بومجادله دن هیچ بر موجود
تخلص نفس ایدمز . چونکه هر موجود دکل کندینه مشابه اولانلرایله
حتی یشادینی محیطك بتون عناصریله مجادله اتمک مجبوردر . بوفون
اقلیم ، غذا کی شیلرك بتون مخلوقات حیاتیه نك خصائل شخصیه سی
اوزرنده اجرای نفوذ ایتدیکنی کشف ایتدکن صوکره آرتق هر مخلوقك
هم جنسندین ، منسوب اولدینی عرقدن حتی عائله سندن بیله مدار
تفریق اوله بیله جك خصائل ایله مهتد آرای وجود اولدینی بر حقیقت
اولق اوزره قبول اولندی . و بدایتده بوفونك کشف وبلا آخره
دارونیک اکمال و اتمام ایتدیکی حقائق ، مجادله حیاتیه نامنی آلدی .

بوفونك ادعاسنه کوره اکر دنیاده مخلوقات یاشامق ایچین بر جنك دائمده
بولنیه رق بر برلرینی اهلاک و اتلاف اتمه مش اولسه لر ایدی بر مدت
قصیره ظرفنده ارض لایعد نباتات و حیوانات ایله دولارق هیچ بری
ادامه حیات ایچین غذا بوله میه جقلر ایدی . نهایت مالتوس مشهور عالم
اولان نظریه سی اورته قویه رق حیوانات دأما نسبت هندسیه ، مغنیات

ایسہ نسبت حسابیہ داخلندہ تزیاید ایتدیکندن اگر انسانلر و حیوانات بعض حادثات ایله تلف اولمہ مش اولسہ لر ایدی فقدان غذا سبیلہ بوتون مخلوقاتک محو اوله جفتی ادا ایتمش ایدی .

مالتوس نظریہ سی بر چوق علمای اقتصاد طرفندن جرح ایدلدی ایسہ ده اونک هیچ برنبذہ حقیقت احتوا ایتدیکنی ادا ایتک دوغرو دکلدی . مالتوس بر نقطه ده خطا ایدیوردی . مالتوسک مخلوقاتک ادامه حیاتی موجب اولقی اوزره اراہ ایتدیکنی شی بر سبب دکل بالعکس بر نتیجہ طبیعیه در . مخلوقات حیاتیہ کندیلری کی بر چوقلرینک الجای حادثات ایله منعدم اولمیریلہ تغذی ایچین لازم اولان شیرلی بولمقہ موفق اولیورلر ، بالعکس ایچلرندن اک قویلی کندیلرینی بسلیہ رک ضعیفلرہ برشی بر اقدقلری ایچین ضعیفلرک محو وتباهیلہ نتیجه نهن مجادلہ حیاتیہ یاشامق ایچین اساس اصلی اولیور ؛ یعنی حیات ، مجادلہ اساسی اوزرینه ابنا ایدیور . نہایت داروین بومستلہ نی دها عمومیلشدیرہ رک دیورکہ : « بوتون موجودات حیاتیہ ، انسانلر ده داخل اولدینی حالده بر برلریله و حیاتک بیک مشکلاتنه قارشی جنک ایدہ رک اسلحہ فکریہ و بدنیہ سی دها مکمل اولانلر اسباب عدیدہ تخریبیہ ده زیادہ مقاومت ایدہ رک محافظہ حیات ایدیورلر . »

بر جمعیت تشکیل ایدن انسانلر آره سنده مدنیت تقررہ باشلادیقنی متعاقب بویوک نہرلر و کوللر سواحلنه دوغرو بر هجرت باشلار . چونکہ اورالرده حیوانات بریہ و بحریہ و طوپراغک قوہ انبساطیہ سی فضلہ اولدیقندن نباتات دها مبذولدر . بناءً علیہ بشر در حال اورالرده کنديسنہ بر سکنا تدارک ایدرک اوقدر مسلح اولدینی حالده بیلہ حیوانات وحشیہ قارشی کنديسنی مدافعه ایتک چاره سنی بولور . فقط ابتدای امر ده هیچ

مشکلاتہ تصادف ایمین بوکتله بشریہ بر کون کلیرکہ کندیسنی تمامیلہ
بسلیہ من . چونکہ حیوانات بریہ و بحریہ انسانرک آرزوی صیدلرخی
حسن طبعیلرلہ آکلایہرق اونلردن دها زیادہ فرار ایدرلر . او حالده
غدا نك اكسلیسلہ رقابت حیاتیہ ظهور ایدر . و هرکس کندیسنه دها
ایمی بر موقع تأمین ایتک ایستدیکندن بورقابت مجادلهیه منقلب اولدینی
کبی نهایت بر زمان صوکره مجادلات او درجهیه کلیرکہ هرکس شخصیتی
محافظه ایتک اندیشه سنه دوشهرک حیات مادیه ایچین اعلان ایدیلن
حرب، بر مدت صوکره حیات اجتماعییه محافظه ایچین یاییهرق رقابت
اجتماعیه حصوله کلیر .

حیوانات و نباتات آره سسندہ هر دقیقه جنس و عرقك محافظه سی
ایچین وقوعه کلمکده اولان مجادلات اونلرک تکملانسه معاونت ایتکده دره
قادرین ارککک خوشنه کیمک آرزوسنی اظهار ایتدیکی کبی ارککده عین
املك محکومیدر . اکر آره مزده هر درلو منافعی تأمین ایتک خصوصنده
بر مجادله موجود اولمه مش اولسه ایدی بشر احتیاجات کثیره سندن بر
چوغنی استیفا ایدمه یهرک طریق مدنیتده دها بطی صورتده تکمل ایتمش
اوله جق ایدی . فی الحقیقه مجادله جنسیه ایکی طرفک بر برینه شوخ و کوزله
کورونمک آرزوسیدرک قادینلره عشوه باز ، کوزله و سوسلی اولمق
احتیاجی حسن ایتدیردیکی کبی ارککلری ده قادینلره قارشی زنکین ، شجیع
و حرمتکار اولمغه سوق ایدر . ادوار عتیقه ده حسن ایدیلن بو لزوم
جمیات حاضرده دها بیوک بر نفوذی حازدر . بی شبهه بشرک توسعات
فکریه سنک بونده ده بیوک بر تأثیری واردر . چونکه کوریورزک عدالت
وانسانیت فکرلری ، افکار سخیفه ماضیه ی مغلوب ایتدکجه قادینلر مرکز
حقوقی بزى دها چوق اشغال ایدیور . قادینلری حسیات شهوانیه سنک

تطمین و تسکینه واسطه اتخاذ ایدن بشره بوکون اونلرکده کندیسى کي
هرحقى حائز اولدیغى اعتراف ایدرک حتى پارلمنتولرده بيله صاحب موقع
اولملى لازمکله چکنى تسلیم ایدیور .

حالبه که اسکی زمانلرده حتی مهد مدنیت اولان یونان و روماده بيله
قادیلر واسطه ذوق و صفا اتخاذ ایدیلرک ظلمت کشفه جهالت ایچنده
براقیلر و اونلره والدہ اولمق حقندن باشقه هیچ بر شیء ویرلمزدی .
خلاصه مجادلہ جنسیه هیچ بر وجهله مضر اولمقدن باشقه بلکه اصطفا
و تکمل جنسیتک اسباب اصلیه سندندر .

عائله هر زمان جمعیات ابتدائیه نك تشکله اساس دکلر . یونانلیلر
ورومالیلرده هر عائله نك کندینه مخصوص اعتقاداتی و ارایدی . ازدواج
ایله بر عائله یه انتساب ایدن بر قادین اقباسیله بوتون مناسبات اجتماعیه یی
قطع ایدرک آشیانه ولادتک معبودلری طایماز و بوینک اموال و املاکنه
قطعاً توارث ایده مزدی . حیوانلره کلجه : وحشی کوپکلرده حیات
اجتماعیه هیچ یوقدر . ارکک آمال تولیدیه سنی Désir génésique حصوله
کتیردکن صوکره دیشی یی ترک ایتدیکی کي دیشی ده سوتی قالمیجه
یاورولری ترک ایدر . قارنجهلر و آریز حیات عائله واجتماعیه ده منافرتی
دها ایلری یه واردیرمقده درلر . بونلرک تشکیل ایتدکری جمعیتلرک
هر برنده بر جوق ارککه مقابل یالکز بر دیشی واردر . ارککلردن
بری دیشی ایله چفتلشیر چفتلشیر دیکرلری همان هلاک اولور . تاریخ
بشر انسانلرده ده حیوانانککنه مشابه احوالک وجودینی اثبات ایتکده در .
حیات اجتماعیه لرنده فعال اولان اقوامده حیات عائله او قدر شدید
دکلر . اقوام مختلفه یی اوزون اوزادی یه یکدیگرله مقایسه یه لزوم
کورمکسزین بو دعوای اثبات ایتک ایچین آنغولوساقسونلری مثال

اوله‌رق ارانه ایتمک کافی در آنغولوساقسونلر حیات اجتماعی‌نک بوتون صفحاتنده ؛ زراعت ، تجارت ، صنعت ، معاملات مالیه و کمچیلک کبی شیلرده اقصای فعالیتیه واصل اولدقلری حالده بالعکس حیات عالمیهی اونلر قدر لاقیدانه تلقی ایدن بر قوم یوقدر . اون بش اون آلتی یاشنه واصل اولدقلری زمان دماغلری ابوینلرندن آلدقلری تربیهٔ فکریه ایله مختلی اولدینی حالده اوغصره خاص قوهٔ تشبیهی استعماله باشلیه‌رق هر بری بلاد سائریه حتی مستقلکات بعیده‌یه کیدرک اوراده تأمین معیشت چاره‌سنی تحری ایدرلر ؛ واکثریا بونلر آشیان ابوتدن ابدیا اوزاق قالرلر . چونکه بیلرلرکه پدرلری اونلره میراث اوله‌رق هیچ بر شی ترک ایتیه‌جکدر . بالعکس لاتین اقوامی وبالخصوص فرانسلرده حیات اجتماعیه هیچ بر فعالیت ایراز ایتدیکی حالده حیات عالمیده غایت صبی روابط واردر .

داروین نظریه‌سنه برده تأثیرات محیطیهی یعنی حیوانات ، نباتات یاخود انسانلرک شرائط حیاتیه‌سنی ده علاوه ایتمک لازم کلیر . تمامیه مدنی اولیان جمعیتلرده اوילה قوانین و عادات واردرکه بر عالمه‌نک دیگر عالمیه ارتباطنی منع ایدر . عبرانیلرده صنوف اصالت عوام ایله مناسبته بولنزلردی . حتی بوکون بيله هندستانده بر پاریا دائماً نظر حقارتله کورولور . روماده بریاتریسین ایله پله‌به‌سین آره‌سنده ازدواجی قانون منع ایتمش ایدی . و بوتون بو جمعیتلرده فتح امتیازات ایدن صنوف امتیازلرینی محافظه ایتدکدن باشقه دائماً صنوف سائر ایله تماسدن توفی ایتشلردر .

خلاصه بوتون تاریخ جمعیات بشریه‌یه اوج شی حکمران اولمقده‌در : برنجیسی : محافظهٔ شخصیت و بقای جنسیت ایچین جدال حیات . ایکنجیسی :

حیات‌ده کندینه دها ای بر موقع تأمین ایده بیلک مقصدیه رقابت شخصیه . اوچجیسی : دیگرلرندن دها چوق امتیازاته نائل اولوق املیه صنفلرک مجادلای؛ ونهایت صنوف ممتازه‌نک بربرلیله ودها بویوک منافع تأمین ایتک ایچین کنله اجتماعی ایله مجادلای .

مجادله حیاتیه حقنده کی مطالعاتی بعهه اکان ایتک اوزره شمدی تکامل جمعیتی تدقیق ایده لم :

ادوار ابتدایه وحشی اولان بشر افعال وحرکاتنده احتیاجاتنک استیفا‌سندن باشقه هیچ برحرکه تابع اولمه‌مشدر . اونک رهبر حرکاتی اجدادنن توارث ایتدیکی خودینلکدرکه کندیسنی هرحق حاز فرض ایتدیکی حالده بو حقوق مقابلنده هیچ بروظیفه طانیماش، عطش وجوع اونی صو و غذا تدارکنه سوق ایتش، احتیاج تکوین‌ده برقادین نحری ایتدیرمشدر . و تشکل ایدن عالیه ارکک بر حکمدار مستبدکی هرامریخی اجرا ایتدیرمشدر .

صنوف اجتماعی‌نک تشکلی‌ده کوچوک بر عالیه‌نک کچیردیکی ادواره مشاهددر . مجادله حیاتیه‌ده احراز موفقیت ایدنلر ترقیات فکریه‌دهده دیگرلرینه تفوق ایتشلردر . چونکه رفاه حال ایله یاشایان، یاریشکی غدایی تدارک ایتک اندیشه‌سیله مضطرب اولیان دماغ کندیسنه باشقه درلو اشتغالات ایجاد و اختراع ایده‌جکندن فکر بشر ترقی ایدر . انسانیتک منقسم اولدینی صنوف مختلفه آره‌سنده قوه بدنیه، مهارت حربیه و سیاسی و فکر تحکم اعتباریه آریستوقراسی دأغادیکرلرینه غلبه ایدرک صنایع نفیسه، قیون، زراعت، تجارت و صنایع سارمه خلاصه فعالیت بشریه‌نک جسمی و فکری بوتون اقسامنده بر جریان تکامل حصوله کتیرمشدر .

هر جمعیت هانکی عرقه منسوب اولورسه اولسون عین قانون تکامله

تابع اولدیغندن اونلرك كچيرديكي صفحات مختلفه يني تدقيق و حال حاضري ناصل اکتساب ايتدكلريني آكلایه بيلمك ايجين هربريني آري آري تدقيقه لزوم اولمقسزین يالكز بريني وبالفرض فرانسز جمعياتك صورت تکاملني تعقيب ايتمکله دیکرلری حقنده ده بر فکر پیدا ایتش اولورز :

رومالیلر طرفندن غول قطعه سنك استیلا سندن اول بؤكونكي فرانسه مختلف اصول اداره لره تابع سلت، جرمن، وایه رلرله مسكون ایدی .

هربلده نك اصول سیاسیه سی باشقه فقط تمضو اجتماعیه سی هان عین شی ایدی . آریستوقراسی هرشیده محاربات و اختلا لاتده صنوف عوامی استعمال ایدیوردی . فقط رومالیلرک استیلاسی اوزرینه محاربات داخلیه کسب سکون و انتظام و آسایش تقرر ایتسی اوزرینه ایلک نتیجه اوله رق غول اصیلزاده لری اعتیادات جنکاورانه لرندن فراغت ایتدکلری کبی روما فتوحاتندن اول رؤسای عسکریه و صاحب اراضی اولدقلری حالده فتوحاتندن صوکره امتیازات عسکریه لرینه ده ترکه مجبور اولدیلر . رومالیلر هرهانکی مملکتی استیلا ایتدیلسه او مملکت اهالی سنك ادیان و اعتقادات و تعامل و عاداتنه رعایت ایتک طریق سلیمنی اختیار ایتدکلری و ملت مغلوبه نك اعصاب روحیه سی اوقشامق صنعتنه و اتف اولدقاری ايجین مغلوبلرله آره لرنده بك صبیق روابطه و انست تأسیس ایتمکه موفق اولورلردی . غوللر حقنده ده عین اصول استیلا کی تطبیق ایتدیلر .

چونکه امتیازاتندن محروم اولمیان غول ارباب اصالتی سلاحلرینی ترکه موافقت ایتدکلری ايجین رومالیلر ایستدکلری کبی اجرای حاکمیت ایدیورلردی . فقط صوکره لری حس حمیتك زوالیه هر دورلو سیئات اخلاقیه واسع بر مزرعه مفسدت تشکیل ایندن روما دوچار زوال اولقله احوال اجتماعیه تبدل ایتدیکندن در حال وزیرغوت ، بورغوند

وفراقتلر ایمراتورلغک تذبذب اداره سندن استفاده یه قیام ایده رک غول قطعه سنی آلا یلرله استیلا یه باشلاملریله مقدما ایمراتورلغک سبب وغایه صعودی اولان ثروت ، سفالنه ترک موقع ایتمک مجبور اولدی .

فتوحانی متعاقب رؤسای مستولیه سلاح قوتیله اراضی اوزرپنده حاکمیت ادما ایتمکله فقیر اولان زراع صنفی آرزولریله اونلرک جناح حمایتنه التجا ایستدیلر . بونلر محصولاتک فیض وبرکتی سببیه سفالنه دوچار اولیورلر وبراز مشکلاته تصادف ایستدکری تقدیرده کندیلرینه دهامنت برارضی ودها انسانیترور بر سوزرهن بوله بیلدکلرندن بویوک اراضی صاحباری صنوف عادییه ظلم وتعدی ایده میور بناء علیه چوق سوء استعمالات وقوعه کلپوردی . بوندن باشقه کلیسا مالکانه لری غایت کثیر اولدیغندن ایشسن قالان ، دوچار سفالت اولان کویلی نمرات سعبنی عمومه ترک ایتمک شرطیله اورالر داخل اوله رق کندینه ییه جک اکمک اندارک ایده بیلوردی . بدایتده کویلیلر افتدیلرینک اسیری اولدقلری حالده صوکره لری رابطه اسارت طوپراغه مربوط قالیوردی . فقط بالاخره نفوسک تزیادی واحتیاجات جدیده نک ظهوریله احوال اقتصادیه باشقه دورلو صفحاتدن مروره باشلادیغندن واصحاب اراضینک بدایه ساده ، هر دورلو زینندن عاری اولان سکنالری برر شاتویه منقلب اوله رق دها بونک کپی سفاهت وزینته دوغرو تمایلات شدیدیه ایله کویلینک حیاتی ناقابل تحمل بر حاله کلپوردی . ایشته اوزمان شاتو صاحباری کندی حقلرندن وحظوظات مطمئنه لرندن باشقه هیچ برشی دوشونمیه رک کلمه نک الک واسع معناسیله برر مستبد کسیدیلر . حتی ۱۷۷۹ ده اون آلتنجی لوی اصدار ایستدیکی بر فرمانده افراد تبعه نک چالیشدقلری طوپراغه مربوط اولدقلرینی صورت رسمیه ده

اعلان ایدیودی . بناءً علیه بر چقتلك صاتیلقله اوراده چالیشانلرده
صاتیلمش اولیوردی .

بعض مورخین فکر حریتك خرسیتیانلقله برابر طلوع ایتدیكنی
ادعا ایدیورلرسده بوادعا استنتاجات علیه قطعياً مخالفدر . حریت
و حقوق شخصیه فكرلری اك اشاغی عروق بشریهده حتی حیوانلرده
بیله واردر . کوریورزكه حیوانانده حریته صوك درجهده شدید
بر ارتباط واردر . و آنجق مدید بر تربیه سایهسنده اولری اطاعت
واقیاده آلیشیدیره بیلورز . شو حالده حیوانلرده بیله موجود اولان حس
سربستینك انسانلرده اولدیغی و بونك خرسیتیانلقله برابر ظهور ایتدیكنی
ادعا ایتك دوغرومیدر ؟ بوتون تاریخ بشریت بو مدعیاتی چوروته جك
دلائل ایله مالیدر . فوستل دو قولانژ بو حقیقت تاریخیه بی انكار ایدرك
یونان و روما جمعیتانده فكر حریتك بولمدیغی ادعا ایتمكه خطا ایدیور .
واقعا یونان و روما حكومتلرنده هر كس املاک ، دینی ، تربیه سی اعتباریله
حكومه مربوط و اونك اوامرینه انقیده مجبور اوله رق افعال ذاتیه سنه
منسوب اولدیغی دولتك مداخله سنی برحق صورتنده تلقی به مجبور ایدی .
فقط فكر حریت اونلك دماغی بر آن اشغالدن خالی قالمیوردی . روما
و یونان حکما سنك آناری ، اختلافات قومیه و عصیان اسرا بومدعیاتك
بر ردیلی اولدیغی کبی قانونلرده کندیغی کوسترمكه جسارت ایده مین افکار
حریتك توسع وانكشافده هیچ برشی مانع اوله مه مشدر . چونكه باشده
اسپارتاقوس اولدیغی حالده یوز بیک اسپر فغ حریت ایچین روما اردولری
اوزرینه هجوم ایدرك سیتیه بی ، سناتوی حتی معبودلرینی بیله رعشه دار
ایتدیله . بو صیرهده خرسیتیانلق ظهور ایتدیکندن سبب ایله نتیجه
قاریشیدریله رق خرسیتیانلغك تولید حریت ایتدیکنه ذاهب اولدیله .

حالبوکه حقیقتده شجره حریتک ظهورینه سبب عصرلردن بری ظلم و وحشتک جولانگاه احتراصی اولان طوپراغک یوز بیک کشینک قانیه حاصل اولان قوه انبایه سی ایدی .

برزمان کلدی که فکر حق و حریت آریستوقراسینک اتخاذ ایتدیکی تدابیر خائنهیه هر طرفه سرایت واستیلا ایدرک صنوف عادیه سنورلرک کندیلرینی اعتاق ایتلرینی طلب ایتدیلر . نهایت پوواتیهده اصلزادگانک مغلوبیت معیوبه سی اوزرینه کوبیلر شاتولری تخریب و سنورلرک افراد عابله سی قتل ایدرک بوصورتله مقدمات اختلالیه بی احضار ایتدیلر . قراللق قوتی ده اهالی وکلیسالر اوزرنده حائر نفوذ اولغه باشلایه رق فرانسه ده تام بر حکومت مطلقه تشکل ایتمکه باشلادیغندن سنورلرک موقع اجتماعیه سی تعدیلات عمیقیه دوجار اولدی . اساساً اوتجی عصردن اعتباراً فرانسز رهبانی منافع مادیه واجتماعیه لرینی محافظه ایتک مقصدیه قرالرله عقد اتفاق ایتدکری ایچین بوصورتله کلیسا ایله فتودالیه آره سنده آجیلان حرب قرالار منفعتیه خدمت ایتش اولدی . دوقوزجی لوی وکوزل قلیبدن بدأ ایدرک اون دردنجی لوییه قدر بوتون حکمداران بومجالاتدن استفاده ایتدیلر . و دینک محراق اعتقادنده طوتوشان جاهل خلق رهبانک بازیجه اغفالاتی اوله رق نهایت اعصارک جریان مدیدینی متعاقب یعنی اختلاک ظیوری . هنکامنده فرانسه الکسانک بشده بری یوزاللی میلیون فرانق وارداتیه کلیسانک ائه کچدی . شو حالده اخلاق شخصیه نیک کچدیکی صفحاتدن اخلاق سیاسی ده کچمکه مجبور اولدی . نهایت اون سکزجی عصرک دور فلسفیه سی اخلاق اجتماعینک اساساتی وضع ایتدیکندن اختلال بواساساتک حقوق سیاسیه واجتماعیه ده بر شکل قانونی اکتساب ایتسنه سبب اولدی که فرانسه اختلالنک

بی شبهه الک بویوک شرفی بودر .

۱۷۸۹ اسرنامه سی کوبلی به حریتی اعاده ایتدکن صوکره ۱۷۹۱ ده ایکنجی برامرنامه حریت مساعی بی وریور، ویکیدن تنظیم اولنان قوانین امتیازاتی فسخ ایدرک حریت شخصی بی تکافل ایدیوردی . فرانسز اختلالی ذهنلرده و قوانینده حریت شخصی و مساوات اجتماعی به دائر اوله اثرلر براقدی که هیچ برزمان زائل اولیور . خلاصه اختلال یاشامق ایچین مجادلات شخصی و رقابت اجتماعی نك بوتون ابواجی کشاد ایتش اولدی .

قرون وسطاده فرانسه ده صنوف متفوقه اوچ قسمة منقسم ایدی . روسای عسکریه ، ارباب تفکر ، رهبان ... بونلر آره سنده غایت شدید بر رقابت اجتماعی واردی که دور اختلاله قدر دوام ایتدی . و ۱۷۹۵ دن اعتبار آده موقراسی بوتون فرق سیاسی نك مجادلاتی احضار ایدرک اون بش سنه تمادیا بونلار نك احتراصات بی پایانه و مشتبات غیر محدودده سنه خدمت ایتدی ، و مملکتده بر حکومت مطلقه عسکریه نك تأسسنه سبب اولدی . حکومت اون طقوزنجی عصرک نصف اولنه قدر خلقی جهالتله محکوم ایتکده دوام ایتدی . چونکه مطلقیت سیاسی و اجتماعی نظر نده کتله قومیه نك آرزوی اعتلاسنه مانع اولمق ایچین جهالت یکانه چاره ایدی . مطاقیت دینه ده عین فکرده ایدی . بناء علیه قاتولیک کلیسای بین الافراد تعمیم معارفک الک خان دشمنی اولدیغدن فرانسه ده معارفک کیچ انتشار ایتدی .

اختلالک مستند اولدینی اساسلارین بری ده سویه فکر به نك بر درجه دها یوکسلسی ایدی . فقط قوانین موضوعه بو خصوصی تکافل ایتدیکی حالده برزمان صوکره بعض اسباب و حادثات ایمراطورلرک معارفه

است. تالفانه مانع اولمش ایدی. ۱۸۳۳ ده یعنی قونوانسیون قوانینتک نشر واعلانندن بری الی سنه کچدیکی حالده قومونلرک اکثریسی مکاتب ابتدائیه دن محروم ایدی. مفتش لارک ویردکری راپورلر مفادینه نظرأ مکاتب موجودده معلملرک اکثریسی طلبه دن ده اجاهل ومکتب اتخاذ اولنان اینیه نك طرز انشاسی دخی تدریساتدن ده افنا اولدیفنه دار ایدی. بو سیله ۱۸۵۰ ده تنظیم ونشر اولنان معارف نظامنامه سی موجب مکاتب ابتدائیه معلملرینک اهلیت لرینی بر شهادت نامه ایله اثبات ایتلری تحت مجبوریته انشاس ایدی. حالبوکه رهبانک کلیسالر دن آلدق لری اجازت نامه لری ابراز ایتلری کافی کورولمش ایدی. اینکجه ایمبراطورلقده ، بونا پارلک اجرای سلطنت ایتدیکی بر زمانده یاییلان بوقانوندن مقصد حقیقی تدریسات ابتدائیه نی کلیسایه و زنکین عالمه لرك اولادلرینه حصر ایدرک عوامک تنویر دماغیسی منع ایتک ایدی. نهایت ایمبراطورلقک بحران احتضارنده پارلمنتونک وافکار عمومیه نك مخالفت شدید سیله اوچنجی نابولتون ده احریت پرورانه بعض تدابیر اتخاذینه مجبور اولمش ایدی. دیگر جهندن اختلالی متعاقب تعاملات قدیمه نتیجه سی اولان وفکر حقوقه مخالف بولنان بر چوق شیلر الغا اولمش ایدی. مثلاً احداث سدن بر کوبلی روتی صنوف اصلیه نی تقلید مقصدیه چوجو- قورندن برینه ترك ایدرک دیگر لرینی محروم ایتسنه تعلیم مساعدده ایتدیکی حالده قانون جدید حکم تعاملی عقیم بر ایش ایدی.



حیات مالک اولان هر موجود انسان ، حیوان ، نبات مطلقا بری

اونلری دوغوران محیط و دیگری محیط عالم اولوق اوزره ایکی بیسوک شیمک تأثیری آلنده درک بوتون تشکلات بدنیه ، دماغیه و اخلاقیه لری اونلرک نفوذینه تابعدر . مثلاً اقالیم شمالیه ده انسانلر ده مبدول ، دها چوق قالوری حاصل ایدن غذالره و دها ایصیتیجی لباسلره محتاج اولدقلرندن چوق قازانمقه مجبوردرلر . لامارک دیورکه : « ذی حیات اولانلر موقعلرینی ، دوغدقلری اقلیمی ده کیشدرمکله اونلرک شکلری ، طبیعتلری حتی عضولری بیلده ده کیشمکده در . » فی الحقیقه حادثات مشهوره لامارکک اصابت فکریه سنی تصدیق ایتشددر .

تکامل جمعیتی تدقیق ایتدی کمز وقت تاریخک معاونتیه آکلایورزکه اوکوست ، شارلماین دردنجی هانری ، اون دردنجی لونی و شارلکنک حکومتلری کی هر یکی تشککل ایدن حکومت بر قوه منفردیه محتاج اولمشدر ، بر جمعیتده حصول انتظام ایچون حکومتیه احتیاج واردر . سپه نسر حکومندن ، عضو سیاسیدن محروم جمعیتلر اوله بیلده جکنی ادعا ایدیور . غایره ل نارد بوفکری رد ایدرک دیورکه : « بو خصوص کوچوک جمعیتلر ایچون قابل اولسه بیله بویوک جمعیتلرده حکومتک وظیفه سنی هیچه تنزیل ایتک دوغرو دکادر . » نارد ، سپه نسرک « حقیقی حکومت افکار عمومیه در . » فکری نه قبول ایتیه رک « حقیقی حکومت افکار عمومیه دکادر ؛ فقط حکومتلر افکار عمومیه نک جریان معکوسنه قارشى اوزون مدت مقاومت ایده مزلر . » دیور . شو حالده افکار عمومیه بر قوتدر . وقوت کندینه اطاعت ایتدیرمک امتیازینه مالک اولوق دیمکدر . شاعر ، صنعتکار ، ادیب ، خطیب اگر خلقک بر قسمتی کندى جریان فکرلرینه تابع ایدیورلر سه بونلرده بر قوتدر . شو قدرکه بقوت غیر محدود اولدینی حالده حکومتک قوتی محدوددر ؛ کندى تبعه سنه شامل اولوب

باشقه حکومتلر تابعینی حقیقده هیچ بر تأثیری اوله من .

حقیقته اجرایی نفوذ ایدن قوه حقیقیه دکل فقط قوه مفروضه اولدیغندن بویوک اقتدارلر بر انتخاب حقیقی نتیجه سی اولیوب بر انتخاب مفروض نتیجه سیدرلر . و قتیله عتبه سلطنتده حکمدارلری بیله زانوبزمین هراس ایدن پاپانک نفوذی بر قوه مفروضه دن باشقه برشی دکل ایدی . فقط اون یدنجی عصرده باشلایان ترقیات فیه تدریجاً عالم سیاسیا ده بر جریان معکوس حصوله کتیره رک بوتون اوقوای مفروضه بی کمال شدتله صارصدی . چونکه بر داهی ، ده قارت جبرک هندسه به صورت تطبیقی کشف ایدیور و ریاضیاتله برابر فیزیک ، علم هئت ، علم حیات و علم الروح سرعته ترقی ایدیوردی . بناءً علیه ارضک صورت تشکلی ، کندی منشائی ، آباء حیوانیه سی آکلامغه باشلایان خلق پاپالک کهانفرو شلقیه اهمیت ویرمیوردی . و ده قات ، لیه نیج ، لوق ، قوندی یاق و قانت کبی حکمانک فلسفه لری بونفوذ سیاسی بی توسیع ایتدی . چونکه هر دورک نهایتنده هر فلسفه بر ادبیات تولید ایدرک افکار عمومی بی احتراصات کونا کونه حتی اختلافاته سوق ایدر . مثلاً ، ده قارت عصرینک دماغلرینی تهییج ایدرک اون سکزنجی عصر حرکت فلسفیه سی احضار ایتدی . نهایت لیه نیج ، قانت ، شلمه نغ ، هه کال و قارل مارکس کبی شمس فیه دماغلری ظلام مشومه خرافادن تجرید ایتدی .

دماغ بشر استعدادات متنوعه ایله متجلی اولدینی کبی هر زمان و هر یرده بیوک یاخود کوچوک ، اسکی یاخود یکی بر ملت حتی بر بلده ، بر عشرت صنوف مختلفه به منقسمدر . فقط بر ملت هر زمان و هر یرده فرقلره منقسم دکلر . ادوار ابتداییه ده ، انسانلرک دائمی صورته حرب ایتدیکری زمانلرده ، بر ملت ایچنده فرقی مختلفه به تصادف ایدیله من .

حق حکومت اخیزده زمان حربده بتون فرقه لر وطنی تہلکہ دن صیانت
 املیلہ اتحاد ایدی سورلر . فقط اوان فجیعہ نک زوالیلہ درحال فرقه لرده
 آریلہ رق مجادلہ بہ باشلیورلر . پارلمنتو اصولی جاری اولان مملکتلرده
 فرق سیاسیہ نک مجادلاتی مشروطیتک تکملنہ دلالت ایدر . فقط بومجادلات
 اسکی یونان شہرلرنده اولدینی کبی صنوف ممتازہ ایلہ عادیلہ قدر سرایت
 ایدرسہ بو عظم برتہلکہ اجتماعیہ حالی آلیر . بلونچلی دیورکہ : «اگر
 فرقه لر مملکتک موقع جغرافیسنہ کورہ انقسام ایدرلر و شمال یاخود جنوب
 فرقه سی کبی استملرلہ آریلیرلرسہ اوزمان مسئلہ شکل اجتماعیسنی غائب ایدرک
 برمسئلہ ملیہ شکنہ انقلاب ایدرکہ بر حکومتی مستقل قسملرہ تقریق ایدن
 محاربات ہب بوندن تولد ایتمشدر .» اوستریادہ لہلر ، چہلر ، مجارلر کبی فرقه لر
 تشکلی و بونلر آرہ سندہ کی مبارزات اوستریائی مختلف پارچہ لرہ آیرمق
 تہلکہ سنی حائر در . شو حالده بوکون اوستریادہ برمسئلہ افتراق واردر . وہر
 فکر ہر مسئلہ بر نتیجہ احتیاج اولدیغنہ کورہ بودہ بر احتیاجدر . برتہلکہ
 ظهور ایتدکن صوکرہ اونی دفع ایتک کوچدر ، فقط تہلکہ نک ظہورینہ
 مانع اولمق غایت قولایدز . و بونک ایچین حسن نیت ، تدبیر و احتیاط
 کفایت ایدر . بوکون بورادہ یاشایان ہر وطنداشاک مقدس وظیفہ سی
 بویلہ برتہلکہ نک ظہورینہ مانع اولمقدر . بوکون برمسئلہ شرقیہ ، بر
 آلساس لورہن ، بر سوسیالیزم مسئلہ سی وار . اہل صلیب محارباتندن
 اول بر اہل صلیب مسئلہ سی اولدینی کبی رومادہ خرستیانلق مجادلاتی
 باشلامہ دن اول بردہ خرستیانلق مسئلہ سی واردی . شو حالده مسئلہ
 شرقیہ ، آلساس لورہن و سوسیالیزم مسئلہ لری مستقبلہ مطلق برشکل
 اختلال اکتساب ایدہ جکلر در . و بز مسئلہ شرقیہ نک ابدیاً حل ایدلش
 اولدیغنہ قانع اولمقلہ یک بویوک برخطایہ دوچار اولیورز .

لسان و دین ، صنعت ، اخلاق هر نه ایچین اولورسه اولسون بوتون مسائل عین زمانده ایکی حکم معکوس آره سنده دوچار مشکلات اولان وجدانک ترداتیله باشلایه رق نهایت ایکسندن ری ترجیح ایدملکه مسئله حل ایدیلیر . بر شخصه عائد اولان بر مسئله ناصل بر مقدمه تعلل ایله ظهور ایدرسه بین الافراد و اقوام محتاج حل اولان مسائلده بویله در . مبارزه منطقیه شکل عمومیسنی اکتساب ایتمه دن اول بر شخصک وجدانده حصوله کلیر . عناصر مختلفه دن مرکب اولار و مشروطیتله اداره ایدیلن مملکتلرده عین لسانله متکلم اولانلر بدایتده مختلف فرقه لره انتساب ایتیش اولسه لر بیله بالآخره خاطرات تاریخی و لسان اونلرک آره لرنده او قدر قوتلی روابط تأسیس ایدرکه افکار سیاسی لرینی فدا ایدرک قناعت وجدانیه لری خلافتده هدیسی بر فرقیه انتساب ایدرلر . زمانمزده مطبوعاتک تأثیرینی انکار ایدمه میز . چونکه غزته ، کتاب و مجموعه کی شیلر لسانک تکملنه وعین لسانله متکلم اولانلرک بر لرینی لایقینه آکلاملرینه مدار اولدینی ایچین اتحاد ایدرلر . دره نفوس مسئله سی اگر مطبوعاتسز بر مملکتده بالفرض ایکی عصر اولکی اسویچرده تحدث ایتیش اولسه ایدی بر مسئله عدلیه حالده قاهره رق صحنه سیاسیاتده هیچ بر رول ایفا ایتیه جک ایدی . فقط مطبوعاتک نشریاتی نهایت بر مسئله سیاسییه احداث ایدرک فرانسه نی ایکی به تقسیم ایتدی . یعنی خطبا ، ادبا کی قوتلر مملکتده بر برینه مخالف ایکی جریان حصوله کتیردیلر . خلقک اعصاب روحیه سی او قدر نازک او قدر حساسدرکه تک بر سوز او نی اهتزازه کتیرمک ایچین کفایت ایدر . بونک ایچین مجادلات سیاسییه وجوده کتیرن افراد دکل فقط اونلری اداره ایدن رؤسادره . اسکی زمانلرده روماده غرقهوسلرک و آتنده پریقلسلرک ریاست ایتدکاری فرقه لر اوزرنده کی نفوذی صوک عصرده غلادستون

وغامبه تانك تأثیرلرینه نسبتله دهافضله اولشدر. اسکی زمانلرده فرقلر اعتقادات اوزرینه مؤسس اولدینی حالده زمانزده منفعت یاخود خصوصیت شخصییه استناد ایتکدهدر.

مجادلات سیاسییه ده قوای جسمانییه ایله روحانییه بیده نظر دفته آلق ایجاب ایدر. مونسکیوو اوکوست قونت قوای جسمانییه ایله روحانییه نك مطلق یکدیگردن افتراق تکمل مدنیت ایچین الزم اولدینی ادا ایدیورلر. فی الحقیقه اعتقاد و ذکای انسانیک مجادلاتی یوقسه برلرینه روابط صلیحه ایله مربوط اولمالریمی دهامرحمدر؟ حکومتلرک شکلری سلطنت مطلقه و یا مشروطه یاخود جمهوریت اولسون و یاخود قوه جسمانییه ایله روحانییه متحد و یا یکدیگردن مفترق بولنسون اگر رجال حکومتک افکاری افعاله تطابق ایتیورسه مملکتده سلامت امید ایتک خیالدر. کندیلرینی یابدقلری قوانینه مربوط عد ایتمین وهرکون یکدیگری نقض ایده جک صورته بیان افکار ایدن رجاله مالک بر مملکتده آسایش بناء علیه حریت نامنه هیچ برشی امید ایدیه مز. بر مملکتده فردایه امنیت یوق ایسه حریت ده یوقدر. همشهریلر آره سند کی امتزاجسزلق برتهلکه اوله مز، فقط مملکتی اداره ایدنلرک آمال و افکارنده کی اتحادسزلق ایقاع مهالك ایده بیلیر. خلاصه منطق اولیان هیچ بر دولت حر دکدر.

سینه جمعیده وقوعه کان مجادلات حیاتی اولدینی کی اجتماعییه ده اوله بیلیر. اگر بر ذی حیات دیکرینک اوزرینه آتیه لرق اونی اولدیروب بیرسه بو بر مجادله حیاتییه اولوب اگر بر شخص دیکرینک الندن مالی آمله اکتفا ایدرسه بو مجادله ده اجتماعی اولور.

اختراعات هر نوع مجادلات اجتماعییه نك مادریدر. بر کره جمعیات بشریه صورت مضاعفه ده بر چوق تعضوردن مرکدر. بر جمعی تشکیل

ایدن افراد بشریه دن هر برینك آلتش تیریلون حجیراتدن تركب ایتدیكى ایتدیكى ادعا اولنیور . بناءً علیه بو تركب مضاعف نتیجه سی اوله رق جمعیتلر بر طاقم حادثات مضاعفك صحنه ظهوریدر . شو حالده بر جمعیت تدقیق ایدیلیركن نظره مصادف اولان احوال مشوشه یی بك طبیعی اولمق اوزره تلقی ایتك ایجاب ایدر .

کورسیورزكه بیکلرجه سنه دن بری بشریت اك مدھش سفالت ایچنده زاز وزبون اولمش وزمانزك رقیساتنه رغماً انسانلرك موقع اجتماعی هر زمانکنندن زیاده شایان مرحمت برحاله کلمشدر . بیک کشیدن دوقوز یوزی محرومیت ایچنده اولوب آنحق سکسانی مسعود و مرفه و نهایت اونیده ثروت و سامانه مالکدر . اکر انسانیتك اضطراباتی جسمانی اولمش اولسه ایدی صبر و تحمل ایله حمله حیاتی سور و کلمك قابل اوله حق ایدی . فقط هیات ، اضطرابات معنویه او قدر دهشتلی که بشریتی ظلمت آلام ایچنده چاره سز لکدن انخاره سوق ایدیور . چونکه انسانلرك اکثریت عظیمه سی امنیتلرك ایچنده یاشامقده در .

حریت حقیقه دماغ بشرک بر ملعبه خیالیه سندن عبارت قالیور ، و هر جمعیت بر ضربه استیلانك تهدیدی آلتنده یاشیور ؛ مستحصللرك ثروت و سامانی حتی زمان صلحه محو اولمق تهله که سنه معروض اولیور ، خلاصه نه حیات ، نه املاکز هیچ بر شی زمانزده کافی درجه ده امنیت ایچنده بولنیور .

مع مافیه ماضیده بشریت زمانزدن دها بدبخت اولمشدر . هر زمان و هر یرده انسانلر بر برینه صوك درجه ده غیر مساوی ایکی قسمه انقسام ایتشلردر . اکثریت ظلمت عمایه محکوم . قسم قلیل ایسه باصره . کورلر دائماً سفالت بشریه یی ایجابات حیاتیه دن عد ایدرك موقعلرینی

اصلاح چاره سنی بوله مدیلر . حالوکه نور بصردن مستفید اولانلر جماعات سفيله نکلکندن دها واسع بر افقی در آغوش ایدرک بشرک شرائط اجتماعیه سنی تعدیل و اصلاحه چالیشدیلر . ایشته افلاطون ، طوماس موروس ، قامپانه لالو قارل مارقس !... فقط هر برینک تصوراتی عین نقطه ده اتحاد ایدیوردی . هپی احتمال سعادت یا بر عالم خویاده قابل کوربیور ، یاخود بر استقبال بعیده فقط او قدر بعیده که دود ازمان ایچنده غائب اولبور موجودیت بشریه بر عمان وسیع اضطرابکه اونک اوزرنده کی بر قاچ آله سعادت تشکیل ایدیور . بوموقع نه قدر ظالم ، نه قدر منفوردر !...

اجداد من فلاکت عمومیه قارشینده باشارینی اکوب ارضی بروادی سرشک تاقی ایدرلردی . فقط آراتق بو توکل بشوئیدن کندمزی اعتاق ایتک وفلاکت بشریه یی دها نافذ بر نظاره تدقیق ایدرک مسئله نک قابل حل اولوب اولمدیغنه قرار ویرمک زمانی حلول ایتشدیر . سوسیالیستلر دیورلرکه : « یوم اختلال مقدمه ظفر اوله جقدر . » او حلاله بختیار اولق بوقدر قولای ایکن ملیونلرجه انسانلرک مضطرب اولسنه ایچین تحمل ایتلی ؟ فقط مسئله سعادت حل ایتک ایچین برنجی شرط اونک بوتون ساحه امتدادینی کوره بیلکدر . اگر اصول تحلیل انسانلرک بر قسمی بختیار ایدوب دیگر قسمی بدبخت ایده جک ایشه ینه کافی اوله من . شو حاله عدالت عمومی اولدجقه جنس بشر سفالت ایچنده پریشان و مضحک اولمقده دوام ایده جکدر .

اکثریت ظن ایدیورکه فلاکت بشریه اخلاقزک عدم مکملیتندن نشأت ایتکده در . ظن ایده یورلرکه سعادت حقیقی بشدیرمک ایچین انسانلرک ناموسکار ، مرحمتلی ، احتراصات و اغراضدن تجرد ایتلری کافی در .

بوفکر بر طوفان یاهرق دنیایی ده کیشدیرمک قدر کولوئجدر . و مسئله اجتماعی حل اتمک ایچین انسانلرک فضیلت مجسمه اولملرینی بکله مک یوم قیامتی بکله مک کیدر .

ازباب قلدن نوقیوقوف « رجال حکومت ایلیک ظن ایدرک اولیه جنایات عظیمه ارتکاب ایده یورلرکه ناپولیون و بسمارق کی جانیلر دیکرلرندن یوز دفعه فضله مجرمدرلر . رجال حکومتک مجرای افغانی ده کیشدیرمک ایچین اونلرک افکارینی تبدیل اتملیدر . او حالده خطالرینی آکلایه رق وظیفه لرینک نه قدر معیوب اولدیفنی ادراک ایدرلر . ایشته اوزمان جنایاتک آزاله جفندن شبهه اتمه ملیدر . و بی شبهه یکرمنجی عصر اون دو قورنچیی عصرک ممکن کوردیکی شیلری دائره حقیقه ادخال ایده جکندن سوسیالیستلر تاسیس عدالت اتمک و کتلات قومیه نک تأمین سعادت ایچین چوق زمان بکله مک محتاج اولمیه جقلردر . « دیور . کم ییلیر ماضیده کی ملاعب خیالیه سنده اولدیفنی کی بشریت بونکله ده نه قدر زمان دها متسلی اوله جق ؟ ههات ، هیچ بر زمان مسئله سعادت بر نتیجه قطعیه یه اقتران اتمیه جکدر .

شیو حالده ملتیری اداره اتمک ایچین ایکی اصول قالمش اولیور . بری مطلقیت ، دیکری مشروطیت . معالقیق ماضیده هر دورلو جنایاتک غیظ و انتقامک بر مزرعه خون آلودی اولدیفنی کی اونی تطبیق ایدن مملکتلرک ده نهایت باعث انقراضی اولدی . یکریمی بیک کشیک بر باربار اردوسنک روما کی واسع بر امپراطورلغک خریطه حیاتیه سنه خط سباه انقراض چکمه سنه سبب رومانک صوک زمانلرنده اقسام ولایاته تطبیق ایتدیکي اصول استبداد ایدی . نهایت رومانک زیر تابعیتده یاشایان اقوام استقلالدن بشقه بر چاره خلاص کورمه مدکلرندن ولایات باربارلرک

حرکات استیلاکارانه سنه مانع اولمق لازم کلیرکن بالعکس اونلره اتحاق
ایتمکله کی ینه عین سببله یدنجی عصرده مصرلیلر یزانس حومتک
دوش معصومیتارینه تحمیل ایتمدیکی حموله اعتسافدن قورتولمق ایچون
عربلری دعوت ایتمشاردی .

سلامت مملکتی تأمین ایتمک ایچین تأسیس ایدیلن مشروطیتک یالکتر
اسماً موجودیتی کافی دکلدر . اگر بر مملکتده مشروطیتک وجودینه
رغمأ کذب، ریاکی تفسیحات اخلاقیه وارسه او مملکت خسته ، پک بیچاره
بر حسته در . و بو خسته لنگ میقروبی عدالتسزلکدرکه مملکت اونکله
برکاریز سیئات حاله کلشدر . بونی تداوی ایتمک ایچین یکانه چاره افرادک
حقوقه موسوسانه رعایت و جمعیتک محیط اخلاقیسنی غازات مهلکه دن
تصفیه ایتمکدر . انسانیت مضطربه یی استبداد ایله برقات دها قهر و تعذیب
ایتمک قدر منفور برشی اوله مز . چونکه اولاً غذا اعتباریله انسانلر بر قسقی
کافی درجه ده تغذی ایتمک و دیگر قسقی غداسی غیر کافی اولمق اوزره
ایکی به تقسیم اولنه بیلیر . بوتون فیزیولوژیستلر و حفظ الصحه ایله اشتغال
ایدنلر آوروپاده کی نفوسک اکثریت عظیمه سی کافی درجه ده تغذی ایتمدیکی
خصوصنده متفقدرلر . اگر وجودک استهلاکاته مقابل غذا ادخال
ایدلیه جک اولورسه بر زمان معدودالایام ایچنده اولمک محققدر . بزیا شامق
ایچین آزوت و قاربونه محتاجز . چونکه برنجیسی فعالیت حیاتیه ایله ضایع
اولان آلومینی حاصل ایتمدیکی کی دیگریده وجوده لازم اولان حرارتی
حصوله کتیرر .

اک بیوکی اون سکز یا خود یکر می ، ایکنجیسی اون بش ، اوچنجیسی
اون اوچ ، دردنجیسی اون ونهایت بشنجیسی بش یاشنده اولمق اوزره
وبدرله والده یی ده علاوه ایتمکمز تقدیرده یدی نفوسدن مرکب بر عمله

عالمه سی تصور ایده لم : اگر بوعالمه وجودی کافی درجه ده بسلیه جک برغدا تدارك ایتك ایسترسه کونده قرق غروش قدر بر مصرف اختیار ایتسی لازمکیر . پدر و بیویك چوجوغی بوقدر برپاره قازانمش اولسه لر بیله او کیراسی و احتیاجات سائر ایچین برپاره آیره میه جقلرندن شو حالده غدارلندن کسرك دیگر جهتلره صرف ایتك اوزره بر مقدار پاره تقریق ایتك مجبور اوله جقلردر . فقط کوتده آلتش یا خود یتش غروش قازانان و عمله نك بر درجه دهـا فوقنده اولان صنوفك کافی درجه ده غدا اخذ ایتدکیرینی دوشونمکده خطارد . ینه بش چوجوق صاحبی اولان و آیده ایکی بیک غروش قازانان عالمه لرك یوزده دوقسانی ینه عین صورتله سفیلانه برطرز تغذی اختیار ایتکده در . چونکه بوراده ده نخوت بشریه وظیفه خانه سنی ایفا ایدیور . زوج و زوجه ای کینک آرزوسنه مقاومت ایده مدکری کبی چوجوقلرده کوچوک پرنسـلر کبی کیدیریلیور ، فقط برسزیه و خاشلانمش برنچله اکتفا ایدیلیور . دیگر جهندن اقامتگاه اتخاذ اولنان ابنه نك ضیادن محروم و رطوبتلی اولسی و تداییر صحیه عدم رعایت نتیجه سی اوله رق قیزیل ، قیزامق چچک و بالخاصه ورم بوتون بو بدبختلری آز زمان ایچنده اولومك پنجه سنه تودیع ایدیور .

عمله لر آره سنده سفالت حیاتیه نك بودرجه ده شدتله حکمفرما اولسنك اسبابی یالکز بوندن عبارت اولیوب اجرا ایدیلن صنعت اعتباریه مثلا قورشون ، جیوه ، کمور معدنلریله آمونیاک و آرسنیک فابریقه لرنده چالیشان عمله لر آره سنده وفیات حد اعظمییه وارمده در . و فابریقه لرك قواعد صحیه یه مغایر صورتده انشا ایدلش اولسیله عمله لر آره سنده کی وفیات دنیانك هر طرفده یوز بیکلرجه خلقی یاس و ماته ، سفالت واضطرابه دوجار ایتکده و اطبانك فریادینه رغماً هیچ بر فابریقه اتور حتی

هیچ برناظر بومسائل حیاتیه ایله اشتغال ایتمه مکده در .

آووقات، طیب، نوتر، اجزاجی کی سربست مسالك اصحابی آره سنده و فیات اشتغالات ذهنیه نك درجه سنه كوره شایان دقت بردرجهیه واصل اولویور . بالخاصه بومسالك اربابی آره سنده انقباض دائمی، التهاب مئانه و مئانه طاشی علتی کی امراض بك سرعتله اجرای تخریبات اییدیور . آمیوت، قالون، باقون، لیه بیج، بوسسوه، نهوتون، بوفون و وولترکی اعظم هب بوخسته لقلردن وفات ایتدکری کی په ترارك، کوپرنیق، مارمونتل کی مشاهیرك حیاته ده فلج دماغی خاتمه چکمشدر . فقط بوتون بوعلل وامراضه رغماً اکثریت ادبا و علما شبهه سز خصائل بدنیه و اخلاقیه لرینك بر حال توازنده بولنمی نتیجه سی اوله رق اوزون مدت یاشامشدر . مع مافیة اکر قوای بدنیه کافی درجه ده دکلسه افراط درجه ده مساعی دماغیه نتایج وخیمه تولید ایده بیلیر . سربست مسالك اربابی آره سنده جنت صوك درجه شدتی ابراز اییدیور . شبهه سز کشفیات فیه و ترقیات مدنیة بناء علیه ردائت اجتماعیه انسانلری دها عصبی یا به رق مجنونلرک عددینی چوغالتیور . لوندرد ، پارس و نیورق کی فعالیت مدنیة سی فضله اولان شهرلرده فیضان فکری اونسبتده شدید اولوب مجادله حیاتیه ده دها خیرچین و دها معترف اولدیفندن بوضورتله دماغك افراط درجه ده یورغون دوشمنندن جنته دوغرو برتمایل عمومی محسوس اولمقده در . حالبوکه استانبول ، پترسبورغ و مادرید کی شهرلرده حیات فکریه دها ساکن بناء علیه ارباب تفکر آره سنده کی مجادلات ده دها آز شدید اولدیفندن جنت برطور تهدیدی حائر دکلدر .

هرکون چالیشه رق یاشامغه مجبور اولان قسمده وجود نشوونما بولیور . بوکا برده حفظ الصحیه مغایر بنالرده اقامت ایدوب غدالرینك

عدم کفایتی ده علاوه ایدرسهك انحطاط فکری و بدنی صوك درجه به
 واصل اولور . بوندن بشقه اجرا ایدیلن صنعتك تهلکلی اولسی اعتباریه
 عملهك دوچار اولدینی امراض سیبیله چوجوقلرده ارنآ معلول اوله رق
 دوغورلر . فقرالدم ، سرخوشلق و سفاقت ، تشوشات دماغیه هپ
 بو اطفال معصومه بی بدبخت و مضطرب ایدیور . و بوتون بو طالعمرلکر
 هپ رقابت اجتماعیك نتایج مشؤمه سیدر . حالوکه موقع اجتماعی
 مکمل اولانلر صنوف سائر مه قارشى تفوقلرینی محافظه ایتدکری کبی
 اکثریا قوای سیاسیه و اجتماعیده اونلرک النده اولدیغدن عادات و قوانینی
 منفعتلرینه اك زیاده توافق ایدن بر شکله تنظیم و اداره ایدرک عین
 منافع مالک اولیان جمعیاتك سفالت و معلولیتی هیچ دوشونمورلر .

شو حالده داروینك دستوری هر زمان محلّه تطبیق بولیور . فقط
 هر دورلو اعتسافات اجتماعی بی تجویز ایتمکه نه قدر منفوردر ! فرانسه
 اختلالی بودستوری قبول ایتدیکندن فرانسه ده شرائط حیاتیه پك مضر
 بر شکل اکتساب ایتدی . هیئات ، فرانسه قانونی بر قانون انسانیت
 دکل و انجق بر قانون حریت . چونکه بوتون افرادك حقوقی محافظه
 ایدیور ، فقط سینّه جمعیته وقوعه کلن مجادلانده اونلرک عاقبت الیمه سی
 هیچ دوشونمور . دارویندن اوج ربع عصر اول اختلالی ایقاع ایدنلر
 مجادله حیاتیهك دائما ترقیات عرقیه نقطه سندن فائده بخش اولدینی ظن
 ایتدیلر .

حالبوکه بو دستور ظالم اکثریت انسانیه بی کوتوروم و علیل یاهه رق
 ورطه انقراضه سوروکلیور .

برعصره یاقین زماندن بری حتی سکیز اون یاشنده کی چوجوقلرک

ساعات مساعیسی او قدر فضله اولدی که کنجلاک بيله تحمل ایتمی مشکو کدر. بالخاصه قادینلر و قیزلر ارککلر قدر چالیشدقلری حالده اونلرک آلدقلری اجر تک نصفی آلیورلر. بوکا حادثات و خستاق کی وقوعاتی ده علاوه ایدرسک فلاکت دها زیاده اکتساب دهشت ایدیور. حالبوکه جمعیت بوتون بو جنایتلری تجویز ایدرک ملنک حتی عرقک ممات تدریجیسنه انظار لاقیدانه سی عطف ایتمکن باشقه برشی یاییور.

انسانلر ایچین حریتی طلب ایتک برحق اولدینی کی حکومتدن قوای بدنیه و فکریه سنک محافظه سی تأمین ایده جک وسائل و تدابیری طلب ایتک ده برحقدر. چونکه عرق انجق اونکله بقایذیر اولور. برحکومت حریتی تأمین ایتکله وظیفه سیاسیسی ایفا ایتش عد اولور، فقط حیات و عرقک حمایه سی رد ایتکله وظیفه اجتماعیسی ایفادن امتناع ایتش اوله جفتدن هر دورلو تنقیدات و مؤاخذاته لایقدر. بر جمعیت تکمل ایتک ایچین اولا کندیسنی طانیلیدر. نه مجادلات شخصییه و رقابت اجتماعییه ترویج و نه بو جوازی منفور بوله رق هر شیئی تخریب ایدوب موجودیت بشریه یی باشقه اساسله استناد ایتدیرمک ایسته نلر هیچ بری امراض اجتماعییه دواساز اوله میورلر. حالبوکه هرکون قادین، ارکک چوجوق ملیونلرجه انسان رقابت اجتماعی نک ضربه تخریبی آلتده تباہ اولیور، ملنلر فقیرلشیور، عرق منقرض اوله رق استقبال بشر ظلام مبهمیت ایچنده مطمور شکوک اولیور. هر مملکتده کور و وحشی حرب کتله بشریه یی کیریور، هر یرده انسانلر بربرلیله ضعیفلر قویلره قارشو صوک برخرخره مذبحخانه ایله وبرجت انزام ایچنده بوغوشور؛ و خودینلک آغزندنه قان کوبوکلی و دوداقلرنده بر خنده مشوم ایله

مظفریات تمادیه سندن مست و مغرور، حالوکه انسانیت غانقره نلی وجودینی
 سوروکه مکدن عاجز محو و تباه اولویور.

مئیس ۱۳۲۵

آصف نفی